

**Jakub.**

Ach, skóržba naju  
Wusudžena je —

**Khata.**

Duž čitajće, ja praju,  
Hač to z namaj rózno dže!

**Běrka.**

Kruty list tu rozwěr'wanje\*  
Wamaj nětko wozjewja;  
[Kónc ma waju zadžeranje,  
Rěkane staw mandželstwa.  
Waju džěsći lubowanej  
Sud mjez waju rozdžěli,  
Jakubašk tón słuša nanej,  
Khatyržinka maćeri.]  
Skónčnje liquidacija  
Jowle tu wěc dokonja.

(Kašluje, trěje sebi pót a na liquidaciju pokazuju počina dale:)

Hdy by to někak po mni šło, by po prawym  
w přědku a zady, kóžde pječ rjadkow wosrjedža —  
dyrbjała stać liquidacija, kaž widžiš małe a wulke  
milske kamjenje na drózy. Liquidacija je pismo  
wšěch pismow, wužitne, nuzne, powučace, jadriwe,

\* W Časopisu M. S. 1870, str. 7 steji skrótšene:

Kruty list a wusudženje  
Wamaj tudy wozjewja  
Waju zwjazka rozdželenje,  
Džěsći nanej přisudža.